

菅家文草

十一



~ 16
3326
11



門 16
號 3326
卷 11

菅家文草卷第十一



願文上

為刑部福主四十賀願文

貞觀元年作願文之始仍

在之
卷首

黑川真道藏書

弟子福主白福主二毛始見八歲于今壯年之
質先衰強仕之期既及自日迫於晚齒殘陽何
以留之黃墟占於新居長暮何以照之故黃紙
漆字歸願言於最勝王經白紵青蒲委身力於
田衣草座是以一向半偈耳傾於彼仙徒行道

黑川真道藏書

黑川
真道



菅家文草 卷十一

坐禪心資於茲法服然則弟子生年死日都無
思慮之勞妙果勝因必有安樂之報以此功德
先靈恩父過去慈親掃塵界於梵風破昏迷於
慧且涉渡七水躋攀十山速證菩提俱成正覺
弟子從四位上源朝臣能有等歸命誓首一切
三空自從綸言不豫脫屣煩主之鄉警蹕如休
迴輿真際之境爰知上帝不祐同作遺孤皇天

文

貞觀五年十二月十三日作

無知共爲窮子但有慈親獨駐愛護無量收染
竹之餘淚以扶持續食茶之斷腸而撫育掩以
摩耶之雙袖知有二天降以勝鬘之重儀覺同
一子於是消塵難報思桃李之長春冰炭在懷
庶綺羅之不故崆峒何處欲定以爲度紀之居
海溼幾程將偷以供養生之術豈圖毗嵐妄起
驚帷帳而不安草露忽移掩闔門而長閉紅粧
何日再理青眼幾時重開爲雨爲雲誰維誰繫
旣而幕雀無充厨之養挂輕羅於舊窓林鳥廢

反哺之羞發夜啼於幽夢當是時也姪娥出海乍誤慈顏之逐月來少女生林還疑哀訓之因風至涕泣之處存枕席而不違乾攀慕之時碎心肝而難可制自後春秋代謝移晦朔焉烏兔不留一星霜矣丁憂如昨忌序登辰禮制有期祥禫將闋而慈粧在堂之時自一七至周忌追福之事逆修先畢復有弟子謹請遺教余昔有意爲先考奉寫寶典皮紙未成命今垂盡骨筆無詞身已病衰汝曹敬之慎之不可闕也丁言

稍畢屑吻長封弟子等哀切之中重聞此事是故今奉寫法華經一部佛名經三卷聊設講會演說勝義伏惟莊嚴甫就先妣往年之宿心妙理新開弟子今日之齋忌唯願開示悟入驅八正而飛其文常樂我淨叩五趣而引其響然則前息後息共是同日之報惟父惟子並爲一處之佛千月之下占宝座以承跌十地之中振天衣而凝睇斯刹那之善力翊彼先帝之聖靈安養之院逾鏡寶樹之華觀史之宮益○青蓮之

第子等除災延壽長作報恩之宗畢地終天
俱爲崇德之族勝緣所被或顯或幽功德攸覃
無識無知同成因果速證菩提

爲大枝豐岑真岑等先妣周忌法會願

文

貞觀六年八月十五日

第子正六位上大江朝臣豐岑等誓首和南某
等嚴父即世老母在堂徒感推燥居濕之恩遂
失揚名顯親之孝於是星霜暗積霧露數侵桃
李非往年之春綺羅爲今日之老第子等闡門

枕席之外定省溫清之中從行步者薄冰在進
退者深谷欲訴桑榆於上帝將借蒲柳於秋風
金蛇未足買王母之童顏白兔當傳姮娥之秘
迹豈計解形三界波迥之國刊迹八微霧合之
鄉占實相以曳蜺裳捐真如以移霧縠嘗藥永
斷食茶乍臻聞嚴訓而如休見溫顏之就冷水
菽薄養擲地以無由再持顧復洪恩呼天而不
可重得嗟辱煙脂雪粉鸞鏡龍梭粧具如故而
猶存資用在今而無主當斯時也每一念至使

五情崩攀哀極則添以滅性之悲腸涕淚竭則
續以流襟之泣血不知天之爲蓋地之爲輿不
知世之有人已之有軀者矣弟子等奉遺教云
余爲父母先靈寫法華經一部云精誠徒効勢
力猶微雖讀讚一句半偈之文未演說甚深無
量之義因茲節略身口真成慧業之資糧焦灼
心肝思施良因之舟楫自後風波不定心事相
違假寐永歎維憂用老遂至天道無知之日鬼
神不祐之時屬以宿昔欲報之心當時罔極之

事弟子等謹因嚴教不離宵心悠哉悠哉展轉
反側於是或耕或耨且紡且績一家之中資用
僅備既而半破蘆簾不改舒卷之處已穿紙閣
猶同開闔之時即勸請慈悲諸佛於今朝移來
寂滅道場於此地降雪山之緇侶講貝葉之寶
典此則先妣之宿願也况復杖笈不駐藜思弥
新丁憂如昨忌序忽至仍奉寫法華經云奉圖
地藏菩薩一鋪丹青騁功不異雲獻之真容翰
墨呈精當同龍宮之秘典即自十一日至十四

日此則先妣往年之宿心翌白之朝滿月之夕
此則弟子今朝之齋食共約五白混為一座報
恩雖有先後得樂資茲同會仰願開示悟入灑
慧雨於重昏常樂我淨放慈光於厚夜先使祖
父祖母俱出同日之冥途次令先考先妣願昇
一處之覺岸瑠璃之地長作優遊之階壘空樹
之華定為朗詠之玩好以斯功德左右丞相俯
仰北辰之前護龍顏於日月徘徊東閣之內加
鶴壽於春秋弟子等無父何怙無母何恃同賴

良緣共成福樂上自有頂下覃無間普及一切
速得成道

為平子內親王先妣藤原氏周忌法會

願文

貞觀七年
八月三日

女弟子某敬白先妣藤原氏自嘉祥季年官車
晏駕殘魄無苟生之慮膏脣有殉死之誌自謂
榮華之在物也其脆脆於浮雲名利之去人也其急急於
電火况乎世是苦海身非樂田除善根而不利於人背論
後而無舟可濟是故剪落雲鬢以呈效首之為瘡消殘雪

粉以表刻肌之有誠重以空觀現掌或定銘心
愍以曩日恩澤所賞欣供此間剝圖之費深草
嘉祥寺者朝家奉寫先皇所建立也其大殿東
畔長塗良維聊占餘地修堂構嗚呼事劇者情
易鍾感深者理難遣經營之事未能大半豈圖
神不福仁天不祐教化生之理永無徹於藥石
空寂之期終不吉於著龜遂以去年八月三日
既先願言乍就下世弟子同胞俱斷一身主喪
克已動入雪愁日悵綆流火眈不覺涕之無從

蕭芥伐腸應綠哀之自內既而耳傾想於疇昔
目彷彿於平素與彼望松楸而無逮從不若撫
蓼莪以攄遺訓所以家駭百口人慕百身依柱
石之舊基增丹青之絲飾於是新成藻井皆悉
繪事於心機宿設蓮臺已有金谷於頂禮石聲
響亮絲幡色鮮種種莊嚴一一張列即奉造藥
師丈六一軀夾侍二軀胎藏界摩陀羅畫像一
鋪金剛界摩陀羅畫像一鋪奉寫金字毗盧舍
那經一部金字本願藥師經一卷金字隨願藥

師經一卷其施入雜物負數不_レ及一二日注具
在別自乃知籠中戒膳不可謂之至_レ廣窓內授
衣不可謂之真施如弟子荷恩比_レ重於三山之
教施報猶輕於捨地之芥細則欲盡沙界大則
欲極昊天至于此般佛像初成經典全備先_レ此
宿願遺孤纂修而已今_レ屬風枝不_レ靜節物就_レ變
衰之初露草_レ枯危_レ天文當建酉之紀斯乃先_レ此
化去之後星霜一周弟子攀哀之中風景四改
故_レ儼新修於寶堂尅一日而開講肆請_レ蓄德之

仙侶約六十以設芳筵觀夫善心爲_レ香徒云百
和之普及一切合掌爲_レ華不_レ採四種而_レ近取諸
身几厥緇徒就_レ列者俱持般若眼白_レ葉歸依者
覺發菩提心說法之場開會之境煙霞潤色礫
瓦會生弟子迹夫發心之本弘願之萌惣以所
生功德翊深草山陵七_レ華千葉矯飾安居之宮
日帝星王推轂周遍之步以此刹那之力聖主
陛下據南山以長安居北極而無_レ動次奉_レ導過
去先_レ此宿昔謀事之日獨欲利他當今就_レ功之

時還知自利然則勝因在近冥報非餘安樂可
仰而攀筌蹄可束而棄復有長姊公主步真空
而不歸小弟親主出分段以長逝因此福緣俱
為拔濟凡歎音所及真味之潤遍迴天下而猶
為有餘經無數劫而可傳不朽其間無知無識
惟顯惟幽每各恣意所尚取其樂於今日

其人亡考周忘法會願文
貞觀十年某
願主姓名逸
弟子某誓首和南十方諸佛亡考存自為助願
齡有意修善節身口而蓄用刻肌膚以發謀心

情內催事理外屈宿業所植王命攸分所天出
關東之外弟子入居帝畿之內郵驛相隔非尺
牘無以叙人子之道煙霞數重非夢魂無以接
事親之好寢食不安寒温如失悲哉去年七月
五日使者忽至寄與書函乖和之狀載之一二
弟子精神無主手足忘身侵晨夜以兼行蹈水
炭以覺赴嘗藥不効病牀已久慈訓纔通氣息
既絕弟子等縋淚穿眼酷悲刻骨蒼天陰而不
晴白日盡而猶夜於是哀戚未殺墳墓稍乾攀

慕之情車載外量弟子等即携遺孤還入京城
雖藏骸骨於彼土而招靈魂於此方今苴桐有
節禮制立儀不捨星霜已登忌序仍奉寫金光
明經云奉畫藥師佛像云以叙先年之宿心以
會今日之周忌心事雖遠功德惟一乃莊嚴禪林
之芳院排批一朝之講筵香華數簇斯乃善心
合掌之所輸鐘磬一聲斯乃拔苦與樂之所寄
凡厥一切一善奉翊云考仰願香積啓行安樂
可俯以拾之金光照乘筌蹄可推以除之冥助

無量救濟何言三界含情七世父母煙霞之有
色者礫尾之無心者在此地在此方因彼良緣
俱成福果

爲彈正尹親王先妣紀氏修功德願文

貞觀十年八月二十七日

弟子某歸命誓首弟子先妣紀氏初笄之後入
侍先宮約意爲蘿承恩牀第綺羅脂粉之勞豈
止一朝一夕而已ノミナシヤ自綸言不豫宮車晏駕魂魄
失寄身之地刀火爲伐性之兵泣竹如新食荼

未足即策疲心發至誓寄事良因將答彼蒼資具
漸備勤修未終始一二年來心專事屈而先妣去
八年二月嘗藥不利終朝即世弟子哀楚之事
衣襟是存今因彼舊具奉寫法華經一部普賢
觀經一卷紺紙盈軸始於先妣之剥皮金書數
行終於弟子之折骨夫法華經者所謂寶典乎
惣而談之唯一法也折而論之十微妙也性而
說之常樂我淨也情而言之開示悟入也以彼
四分之方便爲此一乘之輪轅於知息報恩乃

無量無邊乎今展一香筵聊開講肆發心仰願
不可思議弟子先是又有奉爲先帝修功德之
意日月不居時節如流刻膚刻骨維憂以老始
自今秋至盡形壽一日講筵不敢虧缺唯今年
雖弟子蓄念之首唱而先妣當時之宿心矣又
雲林院者深草天皇第七皇子之幽莊也禪枝
定水謂之爲三叢之林泉石磬霜鐘謂之爲六
時之漏刻皇子之於弟子也緇白雖異親懿捨
諸今之此會必至此院者仰亦就先妣之所由

也况乎法界道場何處非鹿苑如來不住誰家
非鷲峯香之百和華之四種或生合掌或起善
心者也然則一一功德惣奉翊先帝山陵日名
惠日安居之坐和光風号梵風周遍之路靡草
若爲一代之教主弟子唯願再聞慈訓若爲十
方之世尊弟子唯願重瞻妙相善根無竭福果
不訾請導先妣於安樂速證菩提之正覺擎蹄
何煩塵垢可脫七世父母三界踈親同因此會
俱昇彼岸乃至王道表裏鬼區方圓有情無情

有識無識每各隨求一時成道

安氏諸大夫爲先妣修法華會願文

貞觀

十一年九月廿五日

弟子從五位下安倍朝臣宗行等誓首和南弟
子先妣多治氏平生謂弟子等曰夫生死者不
住也不爲人之惡死輟其輪迴苦樂者無常也
不爲世之欲樂留其分段又生之所以爲生也
始於天地終於父母報施不可量恩愛不能斷
是以余將節身口以供養十方衆僧刻肌膚以

莊嚴一乘妙典弟子等隨喜在口信受銘心如
斯之後日運星迴猶豫之間心中事屈及至先
妣齡盈六十弟子等相謀曰聊設祈年之賀
將叙至孝情人心不同或曰綾羅以死也養俗
事多緒或曰絲竹以表形言於是先妣聞弟子
等有此語即命曰我昔爲報恩有宿心汝先識
之汝今爲祝老有新慮我旣聞之事須歸心善
報假道真如我因汝以遂我心汝因我以言汝
志當斯時也同胞之子四男一女一人以衛王

命出爲千里之吏一人以分國憂行爲一州之
長在閨者一女在朝者二男通計有暮年唯願
待諸子之會同成一家之因果斯誠尸鳩均養
之義不敢間然飄風遍吹之仁亦復如是者也
嗟呼維憂以老先妣思道於往年事留變生弟
子泣岐於今日遂寒風之夕去而來者毗嵐滿
月之朝生而滅者石火去九年十二月十五日
斯蓋先妣卽世之時也弟子等四大忘身五情
無主不知天之有蓋不覺地之有輿乃謂飡茶

非追福之道泣血豈反竟之聲不如修善業以
免笞蹄寄真功以增安樂伏原先妣始自尊躰
乖和終至溫顏就冷遺訓存之以願言不緝貽
謀屬之以蓄念未攄弟子等反之覆之造次不
離於衽袂或攸或瀆不絕於口仍今霜露疑陰之
候山林壞色之時因緣手澤之舊資課役心機
之短慮卽奉寫法華經一部普賢觀經無量義
經一卷般若心經一卷並紉紙金字也旣而洒
掃先妣終命之室嚴飾弟子守孝之堂請得仙

侶數人排批講筵八會三條草徑自謂與寶刹
爭切數片蘆簾自謂與金繩訟界寶典則繕收
非舊然而發於先妣之皮膚法服則刀尺惟新
然而出自先妣之機杼分以言之負薪者雖在
弟子惣而論之圖事者此乃先妣而已仰願道
之四安樂教之十微妙無二無三難解難入凡
厥切德惣奉翊先妣先妣昔以利他爲意今則
自利可兼焉弟子始以事生爲宗今則事死專
一矣然則元元本本先妣之祖考速證菩提有

親有尊弟子之先君共成正覺乃至天之有生
生之無骨地之舍氣氣之不形不親不疎同攀
福果無大無小共受良因

爲温明殿女御奉賀尚侍殿下六十筭

修功德願文

貞觀十三年
十二月十六日

弟子女御從四位下源朝臣嚴子歸命誓首十
方諸佛一切賢聖尚侍殿下者婦德之脂粉女
儀之光華風性所習者雪白惟貞天姿所持者
蘭芬自播弟子皇天不祐夙爲偏孤閨門月寒

奩具塵暗殿下一父一母慈仁不可比量弟子
爲雨爲雲恩德難以訓報者也方今殿下齡滿
六旬弟子彌發一念每理蛾眉之殘黛幾恐鸞
鏡之新光嗟呼屬姮娥而乞藥月官非塵步之
所通據王母以問方仙窟豈尸行之得到運籌
帷帳何疑於知息報恩結誓衣衿逐至於依佛
依法蓋以佛謂之能仁非仁本願何以開悟法
號之圓覺非覺至心何以出生弟子是故圖繪
毗盧遮那佛像一鋪阿閼佛等分主四方繕寫

佛說壽延經六十卷般若心經別存兩軸白間
藻色禮佛者疑絲雲之掛虛空紺紙金字轉經
者恠晴星之列河漢弟子以爲如來不住鷲峯
自聳於精誠法界道場鹿苑乍開於恭敬弟子
所以莊嚴城中之一院暫爲開會之勝境採華
停午晝則稱讚十七神名投刃毒虵夜則勤修
三摩耶戒菩提心發般若眼驚非無證明既有
聽許南謨毗盧遮那佛放普光以圍繞加持南
謨佛說壽延經迴威德而哀愍擁護雲鬟霧縠

暗見萬祀之溫和錦幌珠簾將約千年之春色
允厥功德所覃竟一賢劫以爲未盡善根攸利
遍四大海而猶有餘天地覆載之間唯願一時
得道日月照臨之外唯願群類隨未

爲右大臣依故太政大臣遺教以水田

施入興福寺願文

貞觀十五年
九月二日

弟子右大臣敬白弟子伏奉故太政大臣美濃
公之教曰興福寺者予先祖發其本願雲構年
深龍銜響遠予自少日輸身至殘陽憂國偏用

盡忠於王事未遑致力於伽藍卧病而悟臨命以慙汝能識之必行予志去年九月二日斯乃温顏即世之夕也自後迴光不住忌序既臻墳墓未乾淚痕猶濕弟子慚尋先靈宿意貴儉而不好奢故恩澤追贈之禮讓寵章於聖朝權車引攝之因禁勤修於家僕弟子今從先靈遺訓分先靈舊產捨水田若干町以宛寺家之資用一二日注具在別紙又其追福布施未爲過多今准令條不敢減折夫不可量者如來方便之

力難思議者世尊拔濟之功仰願十方諸佛一切賢聖同發太觀喜之心共垂哀聽許之念一頃一畝將接畔於福田惟耨惟耕遂混利於佛種凡厥所修功德惣資先靈煩波耿耿莫顧波婆之昔居寶樹行行安住堯率之今樂聖主陛下比乾坤以無傾大皇太后貫涼燠而逾鎮善根之施福惠之流匝四海而未窮超三世世界而何限普及無邊共成樂果

爲大藏大丞藤原清瀨家地施入雲林

院願文

貞觀十五年五月十八日

弟子正六位上大藏太丞藤原朝臣清瀨敬白
深草聖帝弟七皇子避躁之地名雲林院始皇
子入道安禪此院便命弟子勾當家事皇子賜
弟子以隨近之地令備其侍宿之居手書加恩
遺跡可驗嗟呼閻浮泡幻之國娑婆露電之鄉
生滅不期心事相失皇子仙化之夕即是今朝
也烏兔不駐耳目已改幽魂則知蓮架之文夫
舊院則見為金繩之淨刹今此地在南逼近院

下若依昔恩猶為俗居恐僮僕迷緇素之衣鷄
犬亂雲泥之路是故件地施入如右發心一念
流淚千行雖攀善根於今朝而大息慈於昔
且弟子清瀨誓首和南敬白

為源大夫二室藤氏七七日修功德願

文貞觀十六年十一月十日

奉造阿弥陀像一軀 奉寫妙法蓮經一
部

弟子土左權守從五位下源朝臣湛敬白生者

必滅娑婆界之遺哀會者定離閻浮提之舊淚
念而因念難斷恩愛於即身觀以更觀未免憂
悲於此劫弟子亡室藤原氏以去十月二十四
日奄隨逝水病牀之後曉鷄數聲藥劑之間奉
烏一暮指白日而請命迴眸無再聞之期叫蒼
天以招魂慰問斷重聞之答當斯時也弟子天
地迷方刀火攻性斟四大海以取喻海淺而淚
還深筭恒河沙以爲數沙盡而悲弥積夢想之
至攀慕之誠不可量也不可說也自爾以降飛

電易過七七日忌斯滿隙駒長驟四十九日已
臻與彼穿眼煙霞不見歸復之輕步焦思松檟
無繫化遷之晚粧不若假道真如脫筌蹄於罪
報趁功惠業招拔濟於善根是故莊嚴佛像繕
寫寶典即發未魯之至心聊設平等之法會刻
尊容於舊枕咽枕上之長空也展講筵於幽閨
悼閨房之作掩也佛是無量壽佛弘誓甚深經
乃妙法華經本願無等夫以六道無定在善惡
之昔因三世難知苦樂之今果逝者不知爲何

處之胎卵彌陀種覺願引攝逝者不知生誰家之子
孫法華大乘請垂擁護若化廻雪於洛水則照
惠日以導西方若伴行雨於巫山則載慈雲以
接天象香煙未斷今且速證菩提果馨響猶餘
此時必住安樂處三塗八難皆是無明之宅鬼
類冥道皆是受若之鄉每各隨願彼此得道

爲前陸奧守安大夫於華山寺講法華

經願文

貞觀十八年四月二十三日

弟子從四位下安倍朝臣真行敬奉寫妙法蓮

華經一部即於華山寺禮請高僧演說妙義起
二十三日至二十六日朝夕八座敬禮三尊今
日也先考過去之夕此寺也弟子歸依之地發
意有由宿緣已結弟子先爲外吏平生作念三
七五七四十九日善功德事逆修並畢今莊嚴
此大乘經便充周忌追福弟子不仁不智爲業
障之老因無賤無貴是清貧之家主縱年滿老
至氣絕命終則冥途有意督過家胤無資贖罪
是故弟子割官祿之餘豐棄公俸之賍足歸命

頂禮恭敬供養仰願三世尊者一乘妙典哀聽
弟子至心護念弟子本願所修善功奉翊考妣
尊靈生庄却却恒得拔濟七世父母六親眷屬十
方世界四大海中每各隨願幽顯共利

爲南中納言奉賀右丞相四十年法會

願文 貞觀十八年九月

弟子從三位中納言南淵朝臣年名敬白三世
諸佛十方聖靈世有祈年之賀無貴賤叙其志滿
堂臣妾非親舊者不行一家子孫無孝順者則

闕 右丞相閣下勤主之次忠信之間四十日
強賀者已至伏惟 皇太子捧幼稚以憑丞相之
愛護弟子扶衰老以侍宮臣之備負一言一事
承恩其深在公在私感仁無量雖云至孝至親
無等弟子丹懇弟子欲暖絃管以洽歡恐事至
荒散將累珍鮮以取樂慙謀及殺生皆是金口
之禁戒何須白頭之屬心反覆而思不如冥助
是故奉寫金光明經一部金剛壽命經四卷般
若心經四卷黃金泥字琉璃色紙恭敬禮拜繕

收甫就弟子近者有一山莊去此數步建小蘭
若地形幽寂尊像儼然非朝即暮每期散骨弟
子手披苔薜親○香筵限取四朝將盡百慮施
供輕微捨霜斲之落果莊嚴冷淡採寒開之晚
華苟不違本願三寶其捨諸凡厥所修功德豈
唯偏報厚恩縱令丞相住采千年國家護棟梁
於松栢丞相全生百歲天下約藩鎮於山河弘
誓如是福不唐捐敬奉頌 聖主陛下九霞宮裏
傳安樂之歌聲雙鳳樓前飄無爲之舞袖奉資

太皇太后宮翠玉擁護滅天災以永安帝釋加持
含坤德以無動東宮殿下春秋甚富官臣弟子
年齒差暮若使弟子殘陽不留唯願殿下福壽
增益生則傾雪鬢以負戴光儀死烝排泉扃以
歡喜明德他生他劫必表愚誠丞相所普濟者
四海內也丞相所兼愛者諸衆生也至心迴向共
得平安

奉太上皇勅於清和院法會願文

元慶三年

三月二十
十四日

弟子歸命誓者奉造釋迦佛像一軀脇士菩薩
像二軀并奉寫金字法華經八部無量義經普
賢觀經各八卷金光明經一部所以者何弟子
昔奉取身承當鴻業為一天下之主為諸衆生
之君每願風雨調和稼穡豐稔國土合歡於無
垢界人衆同樂於有頂天豈圖在位年深利
他之德頗缺涉道日淺尅已之誠屢空是故弟
子逃黃屋以忘歸捐蒼生而不顧追慙既往二
三年來今假此慈悲哀愍之加持資彼開示悟

入之方便欲令十方三世共得利益過去未來
同蒙護念弟子自謂法界道場說法之鄉皆是
鹿苑如來不住真如之境豈唯鷲峯故洒掃幽
堂接師子座於其上莊嚴靜室屈木比丘於其
中六日設齋八座開會其香華也我心清淨我
掌慇懃其觀念也諸天化來諸佛影向仰願釋
迦大師觀音虛空等菩薩妙法大乘無量普賢
等經王歡喜弟子發意之唯一聽許弟子宿願
之無二遠則三千世界百億須彌近則登遐七

廟長逝四息乃至三塗八難鬼類冥道以此功德力速證菩提果

吉祥院法華會願文

元慶五年十月二十一日

弟子從五位上式部少輔菅原朝臣敬白吉祥院建立之緣最勝會願文叙之詳矣伏惟弟子慈親伴氏去貞觀十四年正月十四日奄然逝去及至周忌先考奉寫法華經一部八卷普賢觀經無量義經各一卷般若心經一卷時也此院未立便於彌勒寺講堂略說大乘之妙趣引長

逝之尊靈弟子位望猶微心中事屈泣血而已更無所營又先妣亡去之日試弟子曰汝幼稚之齡得病危困余心不堪哀愍之深發奉造觀音像之願念彼觀音力汝病得除愈自汝有祿割其上分分寸相累用度可支發願之本雖在汝身解緩之責恐爲余累弟子自奉遺命三四年來雕飾纔成禮供猶闕自後朝息不遺官爵過分即作念日所得祿俸先資報息報恩之後當以遊費爰損節經用辦設禪供至元慶三年

夏末風月之下定省之間以斯一念略達先考
先考曰善哉汝作是言余建一禪院當講二部
經最勝妙典依余發願先年講畢法華大乘寄
汝報息當共隨喜唯念懸車已迫死門在前須
待明年豫歸田舍歸去之次將聽妙理妙理已
將結因緣因緣已余無後累又余家吉祥悔過
久用孟冬十月法會之期且取彼節弟子敬奉
慈誨不敢輕慢於是日輪不駐星律已迴二日
下旬弟子始嘗藥仲秋望日先考遂就薨遺誠

之中更無他事唯有十月悔過不可失墮而已
今八月既過父服先除正月未來毋忌禱遂起
二十一日至二十四日禮拜禪衆開批法筵所
仰者新成觀音像所說者舊寫法華經始謂就
真報以共利存亡今願假善功而同道考妣嗟
呼先考所試弟子不失者今日開會之朝弟子
所奉先考相違者去年薨逝之夕弟子無父何
恃無母何怙不怨天不尤人身之數奇夙爲孤
露南無觀世音菩薩南無妙法蓮華經如所說

如所誓引導弟子之考妣速證大菩提果無邊功德無量善根普施法界皆共利益

奉太皇太后令旨奉為太上天皇御周

忌法會願文

元慶三年十一月十六日

銀像藥師佛一軀日光月光菩薩像各一軀金字法華經八卷無量義普賢觀經般若心經各一卷奉為登遐太上天皇周忌齋會所恭敬莊嚴也天皇以去年十二月四日就泥洹於圓覺仙房今起十一月二十六日修功德於清和舊

院先期八月待七淨土之遍驚闕講四朝願一乘法之長演夫寒雨難禁三界惣是芭蕉閃光易飛衆生誰非石火乎先皇叩根機以催道追因果而結緣當為他界遍周之君豈只我家生老之子仰願瑠璃光如來導聖靈於瑠璃地蓮華大乗教鎮聖靈於蓮華臺三千國土皆是先皇之本宅舊居百億須弥皆是先皇之善根俱得安樂

同因

為故尚侍家人七七日果宿願法會願

文元慶六年三月十三日

尚侍正二位源朝臣以去正月二十五日薨逝
伏尋存日之宿念曰余以往年奉寫法華經講
演已畢去元慶四年出家入道之後敬屈禪徒
聊嘗法味乍聽大乘甚深之理即便發意更奉
寫金字法華經一部無量義普賢觀經般若心經
各一卷當願所修功德先奉翊太上天皇次爲
余菩提資糧至四年十二月四日天皇奄歸寂
滅余則心事相違誰爲爲之孰令聞之不若重

積善緣成聖霽得道之因仍奉造銀大毘盧遮那
佛像一軀白檀四佛像并四菩薩三昧那像一
心一向奉資聖靈去年周忌期限雖過今茲暮
春宿心所尅所尅之日數旬未盈發願之人一
旦長逝今就尊靈心願之誠舉尊靈手澤之貯
卷帷幌於舊窓設香華於虛空况乎七七忌至
且修善根昔是發利他之至心今更分自利之
迴向仰願如來薩埵太衆妙典各任本願奉資
嗟峨聖廟其次也迎持登霞先帝增遍周法界

之威光攝引過去尊靈開往生淨土之因果恒
沙界之內太鐵圍之外各隨所求共得拔濟

管家文苑卷十一

